



Ministarstvo za rad, socijalnu politiku, raseljena lica i izbjeglice na osnovu člana 161. Zakona o socijalnoj zaštiti, zaštiti civilnih žrtava rata i zaštiti porodice sa djecom Kantona Sarajevo ("Službene novine Kantona Sarajevo", broj: 16/02, 8/03, 2/06, 21/06, 17/10, 26/12, 15/13, 18/14 i 25/14), raspisuje:

JAVNI POZIV

za prikupljanje prijedloga projekata koji će se finansirati i sufinansirati u okviru obilježavanja "Dječije nedjelje" u Kantonu Sarajevo za 2014. godinu

I Predmet javnog poziva

Predmet Javnog poziva je prikupljanje prijedloga projekata koji će se finansirati i sufinansirati u okviru obilježavanja "Dječije nedjelje" u Kantonu Sarajevo za 2014. godinu sa ciljem podsticaja i organizovanja raznovrsnih kulturno-obrazovnih, rekreativnih i drugih manifestacija posvećenih djeci na području Kantona Sarajevo.

II Pravo učešća

Na javni poziv mogu se prijaviti pravna lica, ustanove socijalne i dječije zaštite, ustanove predškolskog odgoja i kulture, kao i udruženja i fondacije koje djeluju na području Kantona Sarajevo, a čije su programske aktivnosti usmjerene na unapređenje zaštite porodice i djece. Prilikom razmatranja, prednost će imati prijedlozi projekata zasnovani na partnerstvu vladinog i nevladinog sektora.

III Namjena

Pravo na korištenje sredstava mogu ostvariti aplikanti čiji se projektni prijedlozi odnose na:

1. Promociju prava majke i djeteta u cilju ujednačavanja njihovih prava na području cijele Federacije Bosne i Hercegovine,
2. Promociju usluga psiho-socijalne podrške djeci i porodici,
3. Promociju inkluzije djece sa poteškoćama u razvoju,
4. Promociju prava djeteta kroz kulturu i sport.

Sljedeće aktivnosti su neprihvatljive za finansiranje kroz ovaj javni poziv:

1. Projekti čija se realizacija planira izvan Kantona Sarajevo ili je usmjerena na zadovoljavanje ličnih interesa pojedinaca,
2. Kupovina ili iznajmljivanje objekata (sportske dvorane i sl.) i opreme koja nije neophodna za realizaciju projektnih aktivnosti,
3. Retroaktivno finansiranje već realizovanih aktivnosti.

IV Potrebna dokumentacija za učešće na Javnom pozivu

Uz popunjeni prijavni obrazac podnosilac treba priložiti prateću dokumentaciju kako slijedi:

1. Rješenje o upisu u registar pravnih lica kod nadležnog organa (ovjerena fotokopija),

2. Identifikacioni broj (ovjerena fotokopija),
3. Prijedlog projekta izrađen u skladu sa obrascem.

V Kriteriji za ocjenu programa

Pregled i utvrđivanje liste projekata koji će se finansirati i sufinansirati iz Budžeta Kantona Sarajevo u 2014. godini će izvršiti Komisija za ocjenu i odabir projekata koji se odnose na obilježavanje “Dječije nedjelje” u Kantonu Sarajevo za 2014. godinu.

Kriteriji za ocjenu projekata su:

- očekivani efekat projektnih aktivnosti,
- doprinos projekta u ostvarenju namjene obilježavanja “Dječije nedjelje“,
- saradnja sa drugim organizacijama na realizaciji projektnih aktivnosti,
- promocija prava djece i porodice na području Kantona Sarajevo,
- način promovisanja aktivnosti u okviru projekata putem medija i
- način animiranja građana Kantona Sarajevo da prate i da učestvuju u planiranim aktivnostima.

Izbor će vršiti Komisija za ocjenu i odabir projekata koji se odnose na obilježavanje “Dječije nedjelje” u Kantonu Sarajevo za 2014. godinu na osnovu naprijed navedenih kriterija.

VI Podnošenje projekata

Prijave na Javni poziv sa potrebnom dokumentacijom definisanom ovim javnim pozivom dostavljaju se u Šalter salu Kantona Sarajevo ili poštom na adresu: Kanton Sarajevo, Ministarstvo za rad, socijalnu politiku, raseljena lica i izbjeglice, ul. Reisa Džemaludina Čauševića broj 1, 71000 Sarajevo, sa naznakom „Prijava na Javni poziv za prikupljanje prijedloga projekata koji će se finansirati i sufinansirati u okviru obilježavanja “Dječije nedjelje” u Kantonu Sarajevo za 2014. godinu”.

Javni poziv će biti objavljen na službenoj web stranici Ministarstva www.mrsri.ks.gov.ba i prijave na isti mogu se podnositi zaključno sa 09.08.2014. godine. Obrazac će biti moguće preuzeti na web stranici Ministarstva i u Šalter sali Kantona Sarajevo.

Nepotpune i neblagovremene prijave neće biti uzete u razmatranje.

Odluka o odabranim projektima objavit će se na službenoj web stranici Ministarstva www.mrsri.ks.gov.ba.

Broj: 13-05-21485/14
Sarajevo, 30.07.2014. godine

MINISTAR

Muamer Bandić, dipl. iur.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1.